



09.05.2023

UPA2023/145

Paneeraq Olsen, Naleraq

Narsami aammalu Kullorsuarmit ilaqutariinnut siunnersortit ukiut marluk suligasuartussanik Naalakkersuisut aallarnisaanissaamut peqquneqarnissaanik Inatsisartunut aalajangiiffigisasatut siunnersuut. Suligasuarsimanerit naammassippata naliliiffigineqassapput, nunatta sinneranut siammarneqarsinnaanersoq nalilersornissaanut siunertaralugu.

(Inatsisartunut Ilaasortaq Nivi Olsen, Demokraatit)

Oqaaseqaat:

Naleqqaminngaaniit siunnersuuteqartoq Inatsisartunut ilaasortaq Nivi Olsen, Demokraatit qujaffigerusupparput.

Ilaqutariit peqqissut ingerlalluartut meeqqaminnik sutigut tamatigut tapersersuit paaqqutarinnittullu Naleqqaminngaaniit politikkeraput. Ilaqutariit avatangiisiminnut peqataalluartut pinngortitamik atuisut timimikkullu aalatitsisut.

Taamaattorli ilisimaneqarpoq ilaqutariit arlalippassuit ilaqutariittut ikiorneqarnissaminnik pisari-aqartitsisut. Taamaattumillu ukiuni kingullerni arlaqarlersuni ilaqutariinnut tapersersuineq suliniuterpassuillu ingerlapput, suliniutillu kingulliit ilagaat qallunaat kalaallillu akornani akimortumik suleqatigiinnermik taakkugu suliniutinut arlalillunut aningaasaliinikkullutik, taamaattumik suliniuterpassuarnik ingerlasoqarpoq. Ilaqutariinnut sullissiviit/kiffartuussiviit/ ilaqutariinnut illut assigisaallu pilersiarneqarnikuupput taakkualu kommunit namminneerlutik aalajangertarpaat qanoq ingerlanneqassanersut. Pilersinneqarnikuuppulli ilaqutariinnut ikorfartuisussaallutik pingaarnertullu anguniakkat ilagaat angerlarsimaffiup avataanut meeqqat inissinnginnissaat anguniarlugu.

Siorna VIVE - Det Nationale Forsknings- og Analysecenter for Velfærd, tassa Qallunaat Nunaata atugarissaarneq pillugu ilisimasanik paasiniaasarfia ilisimatusarfialu, Kalaallit Nunaanni Ilaqutariinnut Sullissiviit/kiffartuussiviit pillugit misissuisimavoq. Kommunit tamarmik illoqarfiillu tamarmik ilaqutariinnut sullissiveqarsimapput allatulluunniit taaguteqartumik sullissiveqarlutik. Tassani takuneqarsinnaavoq Kommune Kujallermi illoqarfiit qanittunnguunertik peqqutigalugu ilaqutariinnut sullissinerat ataqatigiisumik illoqarfiit akornani ingerlanneqartoq. Qassillu illoqarfikkaartumik sulisorineqarnersut aamma Narsami. Narsami qassit tarnip pisussaani ilisimasalimmik



oqaloqateqarsimanersut, tassa psykolog-inik aammalu psykoterapeutinik, ilaqtariinnut aqutissi-uisunik siunnersortinillu, siusinaartumik iliuuseqarnermut (tidlig indsats) aammalu inuusuttunut siunnersuisimanersut 2020-imi tamarmik ersipput. Tamatuma saniatigut NUIKI, tassa nunaqarfinni illoqarfinnilu pisinnaasanik qaffaassaalluni meeqqanut inuusuttunullu sammitillugit pikkorissaasarneq Narsami ingerlanneqarpoq.

Avannaata Kommunianut tunngatillugu takuneqarsinnaavoq Upernavimmi ilaqtariinnut sullisiveqartoq. Kullorsuaq eqqarsaatigalugu 460 missaani innuttaqarpoq nunaqarfiuttullu taaneqartarluni. Kullorsuarmi ilaqtariinnut suliniutit pillugit paasissutissanik amigaaqarneq peqqutigalugu Naleqqaminngaani isummerfigiuminaatsipparput.

Ilaqtariinnermut sullissiviit/kiffartuussiviit kommunit ingerlatarimmatigut Naleqqamiit Naalakkersuisut suliniutit assigiinngitsut peqqutigalugit siunnersuutip akuerineqannginnissaanik innersuutaat ilaannakortumik isumaqatigaarput. Kommune Kujallermut tunngatillugu suliniutit ersarissut sullisoqarneq aammalu sullinneqarneq kommunimit ingerlanneqarmata aammalu NUIKI-p sulinera ingerlammat ilaqtariinnut siunnersortit ukiut marluk suligasuartussanik siunnersuutigneqartup innersuunneqannginnissaanik Naalakkersuisup innersuussutaa isumaqatigaarput.

Kullorsuarmulli tunngatillugu soqutiginaritissinnaavarput Avannaata Kommunian Naalakkersuisup saaffigissagaa pisariaqartitsisoqarnerseq ujartorlugu. Tamatut isummernerput Naleqqamiit tungavigaarput Kullorsuarmi 460-missaani inoqartumi pisariaqartitsineq qanoq annertutiginersoq ilisimanginnatsigu aammalu ilaqtariinnut sullissinerup sullinneqarnissamullu pisariaqartitsinnermut tunngasut paasissutissat amigaataammata.

Tamanna tunngavigalugu Naleqqaminngaani pissusissamisut isigaarput kissaatigalugulu Inatsisartut Ilaqtariinnermut Peqqissutsimullu Ataatsimiititaliaanut aalajangiiffigisassatut siunnersuut ingerlatinneqassasoq.